

Ho nín-yání vūahũ na ó o Zān túara

Vūahũ túaró jūhũ

O Zān, yĩa lé o Yeesu nĩ-kenínia nĩ-kení, lé wón túara ho vūahũ na kà. O túara ho à jĩnáa 6a kèrètíewa zeñ wán 6a nĩ-khàwa bĩo yi. O bía mí vūahũ mu yi le o Yeesu lé le Dónbeenĩ Za bĩo bon á 6ueé wó a nùpue binbirĩ. O mún zéenia le 6a kèrètíewa lé le Dónbeenĩ zàwa, á 6a ko 6a wé 6ua mítén làa bĩa wi mu khoomu yi bĩo, à mún wañ mín. Lé bĩo le Dónbeenĩ lé le waminĩ 6ànso, á mún ka wéréwéré lòn khoomu.

Le Dónbeenĩ bionĩ wee na le mukānĩ binbirĩ

¹ Bĩo á ĩ wee túa á à na mia lé bĩo bĩo ciran yĩa lé le Bionĩ na wee na le mukānĩ binbirĩ. Mu jūhũ 6úεnĩi ká bĩo 6úĩ dĩn yĩ léra ká arén wi fέεε. Ká bĩo kà wán wa já a tāmú, á mɔn wo, á fá wa yĩo wo yi, á 6uan wo yi. ² Yĩa wee na le mukānĩ binbirĩ á zéenia mítén làa wεn. Wa mɔn wo á wee mĩ ho tũíá o jii. Wa wee bue le orén na wee na le mukānĩ binbirĩ á wi fέεε. O páania wi là a Maá Dónbeenĩ. Ká hā làa na kà wán á le Dónbeenĩ wó á wa mɔn wo. ³ Mu bon. Bĩo wa mɔn làa bĩo wa já lé bũn wa wee bue bĩo á mún ñ na mia, bèra a na à minén làa wεn mún páaní. Warén páania là a Maá Dónbeenĩ lè mí Za Yeesu *Krista. ⁴ ĩ wee túa mu á à na mia bèra a na à wa sí-wεε jii à sí bĩo wa páania bĩo yi.

Mi 6ua mítén làa bĩa wi mu khoomu yi bĩo síi

⁵ Dño kà lé le bióni na wa ná o Yeesu *Krista cǎn, dño wa à bue á a na mia: Le Dónbeenĩ ka wéréwéré lòn khoomu. Hàrí bño búí yùíí lòn tibirí á mía le yi. ⁶ Ká wa le wa páanía làa de à wa pá wee búa waten làa bĩa wi le tibirí yi bño síi, se wa lé 6a sabín-fũaalowa, á yí máa bè le Dónbeenĩ tũíá yi. ⁷ Εε ká wa wee búa waten làa bĩa wi mu khoomu yi bño, làa bño le Dónbeenĩ mí bæere karáa wéréwéré lòn khoomu, se wa wãa páanía, á le Dónbeenĩ Za Yeesu cǎni á wé è ceé wɛn wa bè-kora búenbúen yi. ⁸ Ká wa le wa yí máa wé bè-kora, se wa wee v́ini waten, á yí tà le Dónbeenĩ tũíá poni bño. ⁹ Εε ká wa wee tà bío wéréwéré le wa wó khon, á le Dónbeenĩ na téréna á yí máa yèrémá mí jii, dén á à sɛn wa bè-kora á à díá, á à ceé wɛn bño wa wó khon yi búenbúen. ¹⁰ Ká wa le wa yínɔ́n bè-kora wérowà, se wa wee lá le Dónbeenĩ lòn sabín-fũaalo, se wa yí tà bño le bía yi.

2

Wa séenilo lé o Yeesu Krista

¹ I zàwa, í túara bño kà, bèra a na à mi yí wé mu bè-kora. Ká a búí pá khíi vǎ vǎ wó bè-kohó, á wa séenilo wi o Maá Dónbeenĩ nĩsǎní. Wón lé o Yeesu Krista, wón na téréna. ² Mu bon, o Yeesu *Krista wó wa bè-kora séndíaró muini yǎ. O yí wó mu warɛn wa dòn bño yi. O mún wó mu ho dímjńasa búenbúen bè-kora bño yi.

³ Hen ká wa wee bè bño le Dónbeenĩ bò henía yi, se wa wãa zũ le wa zũ le Dónbeenĩ binbirí. ⁴ Ká a búí le mí zũ le, ò o yí máa bè bño á le bò henía yi, se wón lé sabín-fũaalo á yí tà le Dónbeenĩ tũíá poni bño. ⁵ Ká yǎ màhá wee bè le bióni yi, wón

wee zéení le mí wa le Dónbeenĩ bĩo bon. Lé kà s̄ii á wa à zũrnáa le wa páanía làa de. ⁶ Yĩa le mínén lè le Dónbeenĩ páanía, á b̄anso b̄èn mún ko ò o bua mítén làa bĩo ó o Yeesu buannáa mítén bĩo s̄ii.

Mu bè-finle na le Dónbeenĩ b̄o henía

⁷ Minén na á ĩ wa làa s̄oobéε, b̄io kà yín̄n̄ b̄è-finle na le Dónbeenĩ b̄o henía á ĩ wee túa á à na mia, b̄uée. Mu lée bè-k̄inle na mi n̄á p̄ahũ na ba b̄ueé buera le Dónbeenĩ b̄in-tente n̄n̄ mia yi. B̄ún bè-k̄inle so lé le b̄ionĩ na mi n̄á mu p̄ahũ. ⁸ Εε ká mu mún lée bè-finle á ĩ wee túa á à na mia. Mu bè-finle mu b̄io bon binbirĩ. Mu wee mi a Yeesu *Krista lè mínén mi b̄εere yi. Lé b̄io á b̄io yũĩĩ lòn t̄ibírĩ búakáa wee v̄ĩ, á le Dónbeenĩ t̄ũiá poni na ka lòn khoomu á ba n̄pua d̄èniá wee mi. ⁹ Yĩa le mí wi b̄ún khoomu so yi ò o n̄ina mín za tàá mín h̄ĩnló k̄èr̄èt̄iε, se b̄anso pá wi le t̄ibírĩ yi. ¹⁰ Yĩa wa mín zàwa lè mín h̄ĩnni k̄èr̄èt̄iεwa, wón wi mu khoomu yi. Wón b̄anso á b̄io na dà wee v̄ĩni mía yi. ¹¹ Ká yĩa n̄ina mín za tàá mín h̄ĩnló k̄èr̄èt̄iε, wón wi le t̄ibírĩ yi. O wee varáka le yi, ó o yí zũ hen na ó o wee va. Lé b̄io le t̄ibírĩ wó a là a muui.

¹² I zàwa, ĩ túara mia lé b̄io mi bè-kora séra día o Yeesu Krista p̄anká yi.

¹³ Minén n̄i-k̄iá, ĩ túara mia lé b̄io á yĩa wi b̄in ká b̄io búĩ d̄ĩn̄ yí léra á mi zũ.

Minén yàr̄owá, ĩ túara mia lé b̄io ó o Satāni f̄ũuhũ á mi fá.

¹⁴ I zàwa, ĩ túara mia lé b̄io ó o Maá Dónbeenĩ á mi zũ.

Minén n̄i-k̄iá, ĩ túara mia lé b̄io á yĩa wi b̄in ká mu b̄io búĩ d̄ĩn̄ yí léra á mi zũ.

Minén yàrówá, í túara mia lé bïo mi siadéro o Yeesu yi pánká wi, á pan le Dónbeenĩ bionĩ bïo, ó o *Satāni fūuhũ á mi fá.

¹⁵ Awa, lé mi búenbúen á í wee bïo kà á à na yi: Mi yí wañ mu bïowa na bïo sã ho ðimíjã yi. Ká a búí wa ho ðimíjã bïo, se bānsó yí wa a Maá. ¹⁶ Lé bïo le sii na wé vá mu bïo na yí se yi, làa bïo hã yïo wé lé bān yíró poni, lè ho nāfòró yíró na wee wé ò o nùpue yòoní miten, bún búenbúen yí ló a Maá yi, mu bïo sã ho ðimíjã yi. ¹⁷ A hón ðimíjã so lè ho bïowa na yí se na 6a nùpua sia wee vá yi á nōn wee khíí. Ká yia wee wé bïo le Dónbeenĩ sii vá yi, wón á à κενĩ bún fēεε.

O Krista zúkúsa á wi

¹⁸ I zàwa, hen làa cīnú ká hón ðimíjã so á à vé. Mi ná le o *Krista zúkúso á à zéení miten. Εε ká hã làa na kà wán yàá, ó o Krista zúkúsa á wi. Lé bún nōn á wa zūnáa le hen làa cīnú ká hón ðimíjã so á à vé. ¹⁹ O Krista zúkúsa mu lá wi wa tīahũ ká 6a 6èntīn lá yí tà a bïo, lé bún nōn 6a lóráa wa tīahũ. Mu bon, ká 6a 6èntīn lá tà a bïo, se 6a yí ló wa tīahũ á yí wà. Εε ká bïo 6a ló wa tīahũ wà, bún wee zéení le 6a 6èntīn lá yí tà a Krista bïo. ²⁰ Εε ká minén bán ó o Yeesu Krista wó á mi yú le Dónbeenĩ Hácírí, á mi búenbúen mún zū ho tūiá poni bïo. ²¹ I wee túa mia yínōn bïo mi yí zū ho tūiá poni, 6ùéé. Ho tūiá poni á mi zū, á zū le ho tūiá poni á sabéré mia yi.

²² Awa, á yia wãa lé o sabín-fūaalo lé o yén? Mu so yínōn yia le o Yeesu yínōn *Yia le Dónbeenĩ mōn léra le? Mu bon, yia wee bïo bún wón lé yia lé o Krista zúkúso. Wón pã a Maá Dónbeenĩ lè mí Za Yeesu bïo. ²³ Nùpue léé nùpue na pã le Dónbeenĩ Za Yeesu bïo, se bānsó yí páanía là a Maá

Dónbeenĩ. Nùpue lée nùpue na tà le Dónbeenĩ Za Yeesu bïo, se òanso páanía là a Maá Dónbeenĩ. ²⁴ Lé bñn òn òn á bïo mi ná pãahũ na óa óueé buera le Dónbeenĩ bín-tente òn òn mia yí á mi pan bïo lè mi sòobéε. Ká mi pan bïo mi ná bïo pãahũ na óa óueé buera le Dónbeenĩ bín-tente òn òn mia yí, á minén mún òn páaní lè le Dónbeenĩ Za Yeesu là a Maá Dónbeenĩ. ²⁵ Ká wa páanía kà síi, á wa à yí le mukãní binbirĩ na máa vé, ðio ó o Yeesu dó mí jii le mí ì na wεn.

²⁶ Bïo òn òn á ï túararáa bñn bïowa so òn òn mia, lé óa nùpua na wi óa wé khà mia vñinĩ bïo yí. ²⁷ Εε ká minén bán ó o Yeesu wó á mi yú le Dónbeenĩ Hácírí á le wi làa mia. Á mi màkóo yáá wãa bñnía mía ñ-kàránlo veere yí. Mu bon, le Dónbeenĩ Hácírí wé è kàrán mia lè mu óuénóuén. Bïo le Hácírí mu wé è kàrán làa mia lé ho túiá poni, le yí máa fi sabéré. Á mi cén páaní là a Yeesu Krista làa bïo le Hácírí mu kàránnaa mu làa mia.

Yia páanía là a Yeesu yí ko ò o wé bè-kora

²⁸ Awa, ï zàwa, mi cén páaní là a Yeesu Krista bèra a na ká a khíi lua, à wa sí a yahó ká wa yiwa yí máa dè, à ñyio yí dí wεn.

²⁹ Mi zũ le o Yeesu *Krista á téréna. Bñn bïo yí à mi mún zũn le nùpue lée nùpue na wee wé bïo téréna le Dónbeenĩ yahó, se wón òanso mún lé le Dónbeenĩ Za.

3

¹ Eee! Mi loñ bïo ó o Maá Dónbeenĩ waráa wεn! O Maá Dónbeenĩ wa wεn làa sòobéε, ó o wee ve wεn le mí zàwa, á wa óèn lé le zàwa bïo bon. Εε ká ho ðímíjása bán yí zũ le wa lé le Dónbeenĩ zàwa lé

bïo á 6a yí zū le. ² Awa, minén na á ĩ wa làa sòobéε, wa wáa lé le Dónbeenĩ zàwa vó. Ká bïo wa khiĩ κερνάα bũn á le Dónbeenĩ ðĩn yí zéenia làa wεn. Bïo á wa zū lé bïo kà: Hen ká a Yeesu *Krista khiĩ lua, á wa à mi a làa bïo ó o karáa, á warén mún ñ yèrémá à κερĩ là a bïo. ³ Bïa búenbúen na dó mí sia wee lònĩ bũn ko 6a wé ceé míten làa bïo ó orén mí bæere wee ceráa bïo síi.

⁴ Nùpue léε nùpue na wee wé mu bè-kora, se 6anso pã le Dónbeenĩ làndá. Mu bè-kora wéró lé le Dónbeenĩ làndá píló. ⁵ A mi ñn zū le o Yeesu Krista 6uara à sén 6a nùpua bè-kora día. A mi mún zū le o yí máa wé bè-kohó huúu. ⁶ Lé bũn ñn á yia páania làa wo á mún yí ko ò o wé bè-kora. A yia wee wé mu bè-kora wón yí ñn wo á mún yí zū a.

⁷ I zàwa, mi yí día miten le nùpue khà vīinĩ. O nùpue na wee wé mu bïo na téréna le Dónbeenĩ yahó, wón téréna làa bïo o Yeesu Krista térénanáa. ⁸ Ká yia wee wé mu bè-kora, wón bïo sã a *Satāni yi. Lé bïo ó o Satāni wee wé mu bè-kora hārĩ ho ðĩmĩná ñúhũ búεεnii. Lé bũn ñn le Dónbeenĩ Za Yeesu Krista 6uara bèra a na ò o 6uee yáa o Satāni bè-wénia. ⁹ Yia wó le Dónbeenĩ za wón 6anso yí ko ò o wé bè-kora. Mu bon, le mukānĩ binbirĩ na wee lé le Dónbeenĩ cǎn á wi 6anso yi. O yí dà máa wé è wé bè-kora, lé bïo ó o lé le Dónbeenĩ za. ¹⁰ Lé ká síi á le Dónbeenĩ zàwa lè le Satāni zàwa wee hueekaráa mín yi: Yia yí máa wé bïo téréna le Dónbeenĩ yahó á yí wa mín za tàá mín hĩnló kèrètĩε, wón bïo yí sã le Dónbeenĩ yi.

Bïo bia 6a kèrètĩewa mín yi wamini dāni yi

11 Dìo kà lé le bióní na mi ná p̄ahú na 6a buéé buera le Dónbeení bín-tente n̄n mia yi: Mi wa waí mín. 12 Minén t̄ahú ò o 6úi yí bè bio ó o *K̄aηεε wó 6àn s̄i yi, wón bio s̄a a Satāni yi, á n̄n ó o 6órāa mín f̄εε. Á lée webio n̄n ó o 6órāa wo? Lé bio ó orén lé o n̄i-sūmúí à 6àn f̄εε wó bio térénna le Dónbeení yahó.

13 Wàn zàwa lè wàn hínni, lé b̄n̄n n̄n ká ho d̄im̄j̄ása j̄ina mia, à mi yí le mu wé mia coon. 14 Warén z̄i le wa bio w̄a yí s̄a mu húmú yi, le wa yú le mukān̄i binbir̄i. Wa z̄i mu lé bio wa wa wàn zàwa lè wàn hínni kèrèt̄εwa. Ȳia yí wa mín za tàá mín hínló, wón bio s̄a mu húmú yi. 15 Mu bon. Ȳia j̄ina mín za tàá mín hínló kèrèt̄ε wón ka lòn n̄i-6úé. Á mi z̄i le o n̄i-6úé n̄i-kéní kà á máa yí le mukān̄i binbir̄i na máa vé.

16 Bio kà lé bio wa z̄unáa le wamin̄i: O Yeesu *K̄rista wa w̄εn, á dó mí mukān̄i n̄n wa bio yi. Lé làa b̄n̄n s̄i á warén mún ko wa dérāa wa mukān̄i na wàn zàwa lè wàn hínni kèrèt̄εwa bio yi. 17 Hen ká a 6úi á bio wi c̄n̄n s̄i, à 6àn za tàá 6àn hínló kèrèt̄ε 6úi 6èn khon, ó o yí z̄ūna a mak̄arí, á yí séenía wo, se bio le Dónbeení le o waí lè 6a n̄pua ó o so wa làa ba le? 18 I zàwa, mi yí lè wa wán mín lè h̄a bióní na wa wee bío na mín yi mí dòn. Mi lè wa wamin̄i à wé mi wa wárá yi. B̄n̄n lé bio á à zéení le wa wa mín binbir̄i.

19 Lé kà s̄i wa à z̄ūnāa le wa bio s̄a ho t̄iáa poni yi. Á wa s̄ia á à k̄εn̄i ho h̄εr̄a yi le Dónbeení yahó. 20 H̄arí ká wa s̄ia le wa wó khon kaka, á le Dónbeení dén pá dà po wa s̄ia. Le z̄i mu bio 6úen6úen.

21 Minén na á ĩ wa làa s̄ob̄éε, hen ká wa s̄ia yí le wa wó khon, se wa poní séra kúaará le Dónbeení

yahó. ²² Bǔn ká wa flora bǐo lée bǐo le cǎn á le è na mu búenbúen wɛn, lé bǐo wa bò le bióní yi, á wee wé bǐo sǐ le yi. ²³ Bǐo ká lé bǐo á le bò henía: Le wa dé wa sǐa mí Za Yeesu *Krista yi, à mún waí mín làa bǐo ó orén mí bæere bòráa mu henía. ²⁴ Yǐa bò le Dónbeenǐ biónǐ yi wón páanía làa de, á le mún páanía lè bǎnso. Le Dónbeenǐ nǎn mí Hácírí wɛn. Lé bǔn nǎn á wa zǔnǎa le le páanía làa wɛn.

4

Yǐa le Dónbeenǐ Hácírí wi yi á wee zǔn kaka

¹ Minén na á ĩ wa làa sòobéɛ, mi pa miten bǐo. Bǐa búenbúen na le le Dónbeenǐ Hácírí wi làa mí á mi wé yí dɛɛní dé mi sǐa yi. O búí le mí wee bǐo lè le Dónbeenǐ Hácírí pǎnká, à mi cǔii bǎnso bióní à khénnǎa o kúará loń le mu so bon le. Lé bǐo á bǐa le mí lé le Dónbeenǐ ɲi-cúa fɛɛrowà à mu yí bon á wi ho dǐmǐná lùà búenbúen yi. ² Mi dà a zǔnǐ bǐa le le Dónbeenǐ Hácírí wi làa mí làa bǐo ká: Yǐa bǐa wéréwéré le o Yeesu *Krista bueé wó a nùpue bǐo bon, se wón le Dónbeenǐ Hácírí wiráa. ³ Ká yǐa yí tà le mí ì bǐo wéréwéré le o Yeesu Krista bueé wó a nùpue, se Dónbeenǐ Hácírí mía làa wón bǎnso. Lé o Krista zúkúso hácírí wi làa wo, dǐo búenló bǐo á mi ɲá. Awa, á lé dén hácírí so wǎa wi ho dǐmǐná yi hǎ làa na ká wán. ⁴ Ɛɛ ká minén na lé ĩ zàwa, minén bǐo sǎ le Dónbeenǐ yi á bán na le mí lé le *Dónbeenǐ ɲi-cúa fɛɛrowà à mu yí bon á mi dàńna á fáara fǔna. Mi dàńna ba lé bǐo á le Hácírí na wi lè minén pǎnká wi po dǐo wi ho dǐmǐná yi. ⁵ Ba ɲi-cúa fɛɛrowà mu bǐo sǎ ho dǐmǐná yi, lé bǔn nǎn ba wee bǐoráa ho dǐmǐnása bióní, á bán mún wee ɲí ba cǎn. ⁶ Ká warén bèn bǐo sǎ le Dónbeenǐ yi, á bǐa zǔ le wee

ní wa cǎn. Ká yǎ bǐo yí sǎ le Dónbeenǐ yi wón yí máa ní wa cǎn. Lé làa bǔn á wa dà a hueekaráa yǎ le Dónbeenǐ Hácírí na lé ho tǔiá poni wi yi á à lén mín yi làa yǎ ó o Satāni na lé o sabín-fūaalo hácírí wi yi.

Le waminǐ ló le Dónbeenǐ yi

⁷ Minén na á ĩ wa làa sòobéε, mi le wa wań mín, lé bǐo le waminǐ ló le Dónbeenǐ yi. Ká mi wa mín se mu wee zéení le mi lé le Dónbeenǐ zàwa, á zǔ le Dónbeenǐ. ⁸ Bia yí wa mín, bán yí zǔ le Dónbeenǐ, lé bǐo le Dónbeenǐ lé le waminǐ òanso. ⁹ Bǐo kà lé bǐo le Dónbeenǐ zéení le mí wa làa wεn: Le tonkaa mí Za kéní ó o buara ho ðímǐjá yi, à wa dàń yí le mukāń binbirí o pànká yi. ¹⁰ Bǐo kà lé bǐo wee na à wa zǔńnáa le waminǐ bǐo: Mu yínǎń bǐo warén wa lè le Dónbeenǐ. Ká lé bǐo lerén wa làa wεn, á tonkaa mí Za ó o buée wó wa bè-kora séndíaró muinǐ yǎ. ¹¹ Minén na ĩ wa làa sòobéε, á bǐo á le Dónbeenǐ wara wεn lè mí sòobéε kà síi, á warén mún ko à wa wań mín. ¹² Nùpue na ðĩn mǎn le Dónbeenǐ wón mía. Εε ká wa wa mín, á le è κεń làa wεn, á bǐo le Dónbeenǐ wa lè 6a nùpua á à mi wéréwéré wa tǎahǔ.

¹³ Bǐo nǎn wa zǔ le warén páanía làa de á lerén mún páanía làa wεn, lé bǐo le nǎn mí Hácírí wεn. ¹⁴ O Maá Dónbeenǐ tonkaa mí Za ò o buee kǎń ho ðímǐjása. Warén mǎn mu á lé mu seérása. ¹⁵ Nùpue na bía wéréwéré le o Yeesu lé le Dónbeenǐ Za, wón òanso le Dónbeenǐ páaníánaa, ó o mún páanía lè le Dónbeenǐ. ¹⁶ Warén bán zǔ bǐo le Dónbeenǐ wa làa wεn, á mún dó wa sía mu yi. Le Dónbeenǐ lé le waminǐ òanso. O nùpue na wa le Dónbeenǐ á wa 6a nùpua, wón páanía lè

le Dónbeenĩ, á le Dónbeenĩ mún páanía làa wo. ¹⁷ Bĩo nɔn wa poní á à sɛnnáa le cítíi fí nònzoñ lé bĩo wa zũ le bĩo le Dónbeenĩ wa làa wɛn á wee mi wéréwéré wa t̃háhú. Wa poní á à sɛn le Dónbeenĩ yahó lé bĩo wa páanía làa de ho d̃míjǎ yi làa bĩo ó o Yeesu *Krista páaníaánaa làa de ho yi. ¹⁸ Yia zũ le le Dónbeenĩ wa mí, wón á zǎníi mía yi. Mu bon, yia zũ le le Dónbeenĩ wa mí binbirí, wón á zǎníi yí dà máa keñ yi hùúu. O nùpue na zǎna lé yia wee leéka le le Dónbeenĩ á à síiní mí j̃húhú. Lé b̃ñn nɔn á yia le zǎníi wi yi yí máa mi bĩo le Dónbeenĩ wa làa wo wéréwéré.

¹⁹ Warén wa mín lé bĩo le Dónbeenĩ nín-yání wara wɛn. ²⁰ O búii lá le minén wa le Dónbeenĩ ò o jina mín za tàá mín h̃nló kèrèt̃ɛ, se b̃anso lé o sabín-f̃ũaalo. Mu bon, b̃àn za tàá b̃àn h̃nló na ó o wee mi ó o yí wa, ó o b̃èn ò wé kaka à wańnáa le Dónbeenĩ, d̃ĩo ó o yí máa mi? ²¹ Le Dónbeenĩ mún bò mu henía le yia wa mínén Dónbeenĩ, á b̃anso mún ko ò o wań mín za tàá mín h̃nló kèrèt̃ɛ.

5

Le Dónbeenĩ zàwa yú le sée ho d̃míjǎ wán

¹ Nùpue lée nùpue na tà le o Yeesu lé *Yia le Dónbeenĩ m̃ɔn léra bĩo bon, se wón b̃anso á le Dónbeenĩ wó lè mí za. A nùpue lée nùpue na wa yia lé o maá, ó o mún ò wań o maá mu zàwa. ² Ká warén wa b̃ɛɛre wa le Dónbeenĩ á wee bè bĩo le bò henía yi, lé b̃ñn wa à zũńnáa le wa wa le Dónbeenĩ zàwa. ³ Mu bon, ká wa wa le Dónbeenĩ, á wa wé è bè bĩo le bò henía yi. A bĩo le Dónbeenĩ bò henía á máa wé sèró na j̃à wɛn, ⁴ lé bĩo á b̃ia lé le Dónbeenĩ zàwa búenbúen á yú le sée ho d̃míjǎ wán. A bĩo

nɔn wa yúráa le sée ho ðímíjǎ wán lé wa siadéro o Yeesu yi bǐo yi. ⁵ Yǐa yú le sée ho ðímíjǎ wán lée wée? Mu lé yǐa tà le o Yeesu *Krista lé le Dónbeenǐ Za bǐo bon.

Ho tǔiá na mà o Yeesu Krista ðǎní yi

⁶ O Yeesu *Krista mu lé yǐa ɓueé kǎa ho *bátéèmu ñumu yi, á kúaará mí cǎni húrunnáa. O yí kǎa ho bátéèmu ñumu yi mí ðòn, o kǎa ho bátéèmu ñumu yi ó o mún kúaará mí cǎni húrunnáa. A yǐa wee mǐ mu tǔiá lé le Dónbeenǐ Hácírí, lé bǐo le Hácírí mu lé ho tǔiá poni ɓànsó. ⁷ Bǐo wee zéení le mu bon lée bǐowa bǐo tǐn: ⁸ Le Dónbeenǐ Hácírí, lè mu ñumu, lè le cǎni. A mu mí bǐo tǐn wee zéení mu bǐo ðà-kéní mu. ⁹ Hen ká wa wee tà ho tǔiá na ɓa nùpua wee mǐ yi, á le Dónbeenǐ tǔiá na le wee mǐ po ɓa nùpua tǔiá, hón wa mún ko wa tà yi. Ho tǔiá na le wee mǐ lé hǐa bǐo ciran le Za. ¹⁰ Yǐa tà le o Yeesu lé le Dónbeenǐ Za, wón láa ho tǔiá mu yi. Yǐa yí tà ho tǔiá mu bǐo, wón wee wé le Dónbeenǐ láa sabín-fǔaalo. Lé bǐo ó o yí tà le ho tǔiá na le Dónbeenǐ wee mǐ mí Za ðǎní yi á bon. ¹¹ Ho tǔiá mu lé hǐa kà: Le Dónbeenǐ nɔn le mukǎní binbirí na máa vé wɛn. Lé le Za á le ðǐn wán á nɔnnáa le. ¹² Yǐa páanía lè le Dónbeenǐ Za, se wón yú le mukǎní binbirí na máa vé. Yǐa yí páanía lè le Dónbeenǐ Za, se wón yí yú ðén mukǎní so.

Le mukǎní binbirí na máa vé bǐo

¹³ Bǐo kà ɓúenɓúen á ï túara nɔn minén na tà le Dónbeenǐ Za Yeesu yèni pànká bǐo, bèra a na à mi zǔn le mi yú le mukǎní binbirí na máa vé. ¹⁴ Bǐo nɔn wa poní séraráa le Dónbeenǐ yahó lé bǐo kà: Hen ká wa flora le Dónbeenǐ yi bǐo ɓúí ðǎní yi ká mu lé le sǐi bǐo, à le ñí wa cǎn. ¹⁵ A bǐo wa zǔ le le

wee jí wa cǎn, á wa mún zū le bǐo wa flora bǐo yi á le wó wó.

¹⁶ Hen ká a búí mǎn mǐn za tàá mǐn hǐnló kèrètíε búí ò o wee wé mu bè-kohó na yí máa wé ò o hí mu húmú binbirǐ, á bǎnso ko ò o fio le Dónbeenǐ yi na a yi, á le è na le mukǎnǐ binbirǐ wo yi. Le biónǐ mu bǐo ciran bǐa wee wé mu bè-kohó na yí máa wé à ba hí mu húmú binbirǐ. Εε ká mu bè-kohó búí wee wé ò o núpue hí mu húmú binbirǐ. Yínǎn bǐn á ĩ le mí fio bǐo yi. ¹⁷ Wékheró léε wékheró búenbúen léε bè-kohó bǐn bon. Εε ká bè-kora búenbúen màhá yí máa wé ò o núpue hí mu húmú binbirǐ.

¹⁸ Wa zū le yǐa wó le Dónbeenǐ za á máa wé è wé mu bè-kora, lé bǐo le Dónbeenǐ Za Yeesu wee kǎnǐ a mu wéró yi. O o *Satǎni mún yí dà máa wé o làa dèε woon. ¹⁹ Warén bán zū le wa bǐo sǎ le Dónbeenǐ yi. Ká ho dǐmǐnása na yí zū le Dónbeenǐ bán búenbúen ó o Satǎni pǎnká wi wán. ²⁰ Wa mún zū le le Dónbeenǐ Za Yeesu lé yǐa bueé wó á wa zūnáa le Dónbeenǐ binbirǐ. A wa páanía lè le Dónbeenǐ binbirǐ wa páaníló lè le Za Yeesu *Krista bǐo yi. Lerén lé le Dónbeenǐ binbirǐ, á lerén mí dòn lé dǐo mún wee na le mukǎnǐ binbirǐ na máa vé. ²¹ I zàwa, mi pa miten bǐo à mi yí búaaaní há dofina na yínǎn le Dónbeenǐ binbirǐ.

Dónbeenì páaní fīnle vūahũ
New Testament in Buamu (UV:box:Buamu)

copyright © 2012 Wycliffe Bible Translators, Inc.

Language: Buamu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Buamu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021
331a1641-e36a-5300-8cb1-c9476fcef9bf